

ADMINISTRACIÓN LOCAL

MUNICIPAL

ARTEIXO

Renda e Exaccións

Instrución sobre a interpretación e aclaración do artigo 7 apartado 3 da ordenanza fiscal nº4 reguladora do imposto sobre construcións, instalacións e obras. Bop nº 19 de 28.1.2022

O Pleno do concello de Arteixo en sesión celebrada o 27 de marzo de 2024, adoptou, entre outros, o seguinte acordo cuxa parte dispositiva é:

PRIMEIRO. Contestar á consulta tributaria formulada por Hijos de Rivera SAU, nº de rexistro 202499900000842 en data 29 de xaneiro de 2024, ditando a seguinte instrución interpretativa :

INSTRUCCIÓN SOBRE A INTERPRETACIÓN E ACLARACIÓN DO ARTIGO 7 APARTADO 3 DA ORDENANZA FISCAL Nº 4 REGULADORA DO IMPOSTO SOBRE CONSTRUCIÓN, INSTALACIÓN E OBRAS (BOP Nº 19 DE 28.1.2022)

En virtude da habilitación concedida polo artigo 103.2 do TRLRFL, o Pleno do Concello de Arteixo estableceu a regulación na ordenanza fiscal nº4 reguladora do imposto de construcións, instalacións e obras, dunha bonificación de ata o 95% da cota a favor das construcións, instalacións u obras que sexan declaradas de especial interés ou utilidade municipal por concurrir, entre outras, circunstancias de fomento de emprego, no seu artigo 7 apartado 3. En uso da competencia atribuída ao Pleno da corporación para a regulación dos tributos municipais, e en concreto do recoñecemento dos beneficios fiscais previstos no art. 103.2 do TRLRFL, cómpre establecer os seguintes criterios de interpretación e aclaración da redacción do artigo 7 apartado 3 de dita ordenanza fiscal vixente entre as datas 29.01.2022 e o 23.12.2022 , ao abeiro da súa vixencia segundo o disposto na Disposición Transitoria do texto hoxe de aplicación (BOP nº 242 de 23.12.2022):

1.- No referido ao artigo 7 Apartado 3 punto 4 d) cando di Enténdese que existe creación de emprego cando se constate un incremento de persoal como consecuencia do inicio da actividade ou da ampliación das instalacións. En sentido contrario, non existe creación de emprego cando non hai incremento neto de persoal no conxunto dos centros de traballo radicados no municipio de Arteixo , procede aclarar que se considera data de inicio de actividade a que conste no título habilitante do IAE e que esta bonificación resultará de aplicación respecto de aqueles contratos realizados no período impositivo de alta no IAE para o exercicio da actividade en Arteixo na parcela declarada de especial interés ou utilidade municipal .

2.- No referido ao artigo 7 Apartado 3 punto 3 cando di as contratacións deberán ser indefinidas e a xornada completa, procede interpretar que os contratos destas características que se formalicen antes da data que conste no título habilitante do IAE para exercer a actividade, deberán facer constar que en todo caso o traballador estará adscrito ao centro de traballo en Arteixo da actividade declarada de especial interés ou utilidade municipal , onde se incorporará unha vez finalicen as obras de construción de ditas instalacións e se inicie a actividade, non computando pois, como contrato previo aos efectos de determinar o incremento neto de persoal no conxunto dos centros de traballo en Arteixo.

SEGUNDO. Publicar no boletín oficial da provincia de A Coruña segundo o disposto no artigo 12 da Lei Xeral Tributaria e en aplicación do artigo 7 a) da Lei 19/2013, de 9 de decembro, de transparencia, acceso á información pública e bo goberno, esta instrución se publicará na web do concello de Arteixo.

Arteixo, 2 de abril de 2024

Asina dixitalmente na data do documento electrónico: O Concelleiro de Economía e Facenda. Emilio Maceiras López.

2024/2194